

ISUA JUBILEE
Leviticus 25:1-46
QYQHỌ UKPEP-ÑKPỌ 89

Eke Ikpọ Owo

IKỌ IBUOT: “Spirit Ọbọñ Jehovah odoro mi: koro, Jehovah emeyet mi aran onim, man mbuk eti mbuk nnọ mbon nsuk-esit; ọmọdọñ mi, ete mbọp mmọ eke esit mmọ ọbuñode, ñkwọrọ uwọrọ-ufin nnọ mbuot ekọñ, ñkwọrọ, nsana-nyak nnọ mmọ eke ekọbide” (Isaiah 61:1).

I Mme Item Emi Etode Obot Sinai

1. Jehovah ọdọhọ Moses ke Obot Sinai ete yak enye onim isua kiet ọnọ Sabbath ke ini mmọ edidukde isọñ emi Enye edinode mmọ, Leviticus 25:1, 2
2. Mmọ enyene ndida isua itiokiet ntọ ñkpọ nnyuñ ndọk Leviticus 25:3; Exodus 23:10
3. Qyọhọ isua itiaba enyene ndidi isua nduok-odudu, emi edide Sabbath Jehovah, Leviticus 25:4; Mme Hebrew 4:9
4. Mmọ ye Isen owo eke eduñde ke isọñ oro enyene ndidia se itibede ke idem esie, Leviticus 25:5-7; 2 Ndidem 19:29

II Qyọhọ Isua Aba Ye Duop

5. Mmọ enyene ndibat isua Sabbath ikatiaba mme isua 49, Leviticus 25:8
6. Ukorowo Jubilee enyene ndisioro uyo ke Usen Usio-Isop ke kpukpru obio, Leviticus 25:9
7. Qyọhọ isua aba ye duop enyene ndidi isua Jubilee mme uwọrọ ufin. Ekpọñ kpukpru se owo ekenyenede emi ekenyamde enọ enye, Leviticus 25:10-13; Isaiah 61:1, 2; 63:4; Luke 4:19
8. Edieke mmọ ekedepde mme enyamde inyene mmọ, ekenyene ndibiye ekọm-urua etiene ibat isua emi ebede tọñ nte Jubilee ekebe, Leviticus 25:14-16; 27:17-25
9. Mmọ inyeneke ndifik kiet eken, edi enyene ndibak Abasi, Leviticus 25:17-19

III Uwak Mbuñwum

10. Edieke mmọ ebupde se mmọ edidiade ke qyọhọ isua itiaba, Jehovah ọdọhọ mmọ ete ke Imọ iyediọñ mbuñwum mmọ ke qyọhọ isua itiokiet, inyuñ inam mmọ eñwum mfri se ikemde ke isua ita, Leviticus 25:20, 21
11. Mmọ enyene nditọ ñkpọ ke qyọhọ isua itiaita, ndien enyuñ edia akani mbuñwum tutu osim qyọhọ isua usukkiet, Leviticus 25:22; Joshua 5:11, 12

IV Edifak Isọñ

12. Inaha nte enyam isọñ tak-tak, koro isọñ enyenede Abasi, Leviticus 25:23, 24
13. Edieke eyamde oto ke ntak unana, oruk esie enyene ndifak isọñ oro mbemiso isua Jubilee, edi edieke mikemeke ndifak enyene ndikpọñ nnọ andinyene enye ke isua Jubilee, Leviticus 25:25-28
14. Enim mbet emi ọbọpde erinyam mme ufok ke obio ibibene ye mme obio emi ibibene miduhe ye mmọ emi mme Levites enyenede, Leviticus 25:29-34
15. Mmọ inyeneke ndibọ akwa udori nto eyen-eka, mme ndinam enye edi owo mkpọkọbi, Leviticus 25:35-42; I Ñwed Corinth 7:23
16. Mmọ inyeneke ndikara enye ke nsọñido, Leviticus 25:43-46; Ñwed Mbon Ephesus 6:9; Ñwed Mbon Colossae 4:1

SE EKPEPDE EBAÑA

Isua Jubilee - Mbiet Ñkpọ

Isua Jubilee ebiet ini mfọn Gospel emi kpukpru mmọ emi enimde Christ ke akpanikọ ebọhọde ufin idiok-ñkpọ, ndien enyuñ enọ mmọ unen adia-akpa ke otu mmọ emi enamde esana ke Christ Jesus. Ekedị isua uwọrọ ufin ke isọñ ye ediomị emi ebọpde ifin iren ye iban, ye isọñ ye inyene emi mme ekpuk ye oruk mmọ ekenyamde.

Mmọ ekenyene nditọ mkpasip nnyuñ ndok mbuñwum mmọ ke isua itiokiet, edi ke qyọhọ isua itiaba mmọ ikenyeneke nditọ mme ndidok idok. Jehovah ekenyene ndidọñ edidiọñ Esie nnọ mbuñwum mmọ ke qyọhọ isua itiokiet, ndien iñwañ mmọ ekenyene ndiñwum mfri nte edikemde ke isua ita. Oro ikpọñ ekedi utibe ñkpọ, ndien edi Abasi ikpọñ ekekeme ndinam oruk eñwọñ eke etiede ntem.

Qyọhọ isua itiaba ekenyene ndidi isua nduok odudu, Sabbath Jehovah. Mmọ ye isọñ mmọ, ye ufene mmọ, ekenyene ndinyene isua nduok odudu. Ke ini mmọ ema ekenam usọrọ isua Sabbath ikatiaba, emi edide isua 49, mmọ ekenyene ndinyene saña-saña Sabbath. Qyọhọ isua aba ye duop ekenyene ndidi Isua Jubilee, emi ebiate kpukpru mme isọñ ndien efiak eyak se ikenyenede owo enọ andinyene.

Mbet Ndinọ Kpukpru Owo Unen Ukem-Ukem

Emi edi mbet emi ofonde akan ke otu kpukpru mbet emi enode man obop ete-utom ye mme anam-utom. Ifet ikeduhe ino enyene nkpo owo ndifik ubuene, ndien ifet ikenyuni iduhe ino ubuene nditie ifu. Mmo ekenyene ndidi ukem-ukem nte ndito ete. Edieke etimde enim mbet emi, eyenam owo ndidi ukem ye kiet eken qosn ada.

Edi akpaniko ete ke ntak mbet emi ekedi ndikpan enyene nkpo owo ndifik mme ubuene nnyuni nnam mmo ekabare edi ifin, nnyuni mbiqno ibat-ibat owo ndida ison nnyene.

Zedekiah

Ke eyo Jeremiah, ke ini edidem ke Babylon akañwanade ekon ye Zedekiah edidem Judah, Zedekiah ama anam ediomu ye kpukpru owo ke Jerusalem ndikworu uworu-ufin nno mmo; ete kpukpru owo kiet kiet ayak ifin mmo eworu ke ufin (Jeremiah 34:8, 9). Mmo ema enyime, enyuni ayak ifin mmo enyono. Edi ke ini oro ebede, mmo ema enam ifin mmo efiak enyono edidu ke idak ukara mmo. Emi ama ayat Abasi esit koro mmo ema ebiat ediomu emi, ndien Jehovah etin ebe ke Jeremiah ete, “Sese, Jehovah odoho, ete, Ami mmon nkworu uworu ufin nno mbufo, nno ofut ye idiok udono ye bion; nyenyuni nda mbufo nno man edi se etukde ke kpukpru mme idut ererimbot” (Jeremiah 34:17).

Jehovah ama odoho mmo ke akpa eritono ete, edieke mmo midikopke mme ewuh Esie, Enye eyesuan mmo odon ke idut mme okpono ndem onyuni anam ison mmo akabare edi ndon. “Ndien ison eyedia mme Sabbath esie, ke ofuri ini emi enye etiede ke ndobo, mbufo enyuni edude ke ison mme asua mbufo; enye eyenim Sabbath ke ofuri ini emi enye etiede ke ndobo; koro enye mikoduokke odudu ke mme Sabbath mbufo, ke adanemi mbufo eduunde ke esit” Leviticus 26:34, 35).

Jehovah ama ayak etan Ndit Israel ke ifin eduk ke ison Babylon onyuni ayak mmo edu do ke isua ata ye duop tutu ison adia mme Sabbath esie (2 Chronicles 36:21).

Ufak Emi Otode Christ

Nnyin ikedi ifin satan; nnyin ima inyam idem nnyin ino ikpikpu nkpo; nnyin ima isin unen nnyin ndika heaven ye nsinsi ubon esie. Edi, “ke adanemi nnyin ikodude kana ke mmem idem, ke edikem ini Christ akpa” ono nnyin mmo emi miteñeke Abasi, onyuni afak nnyin oto ke qosn urua Iyip Esie, ndien onyuni ono nnyin udeme nnyin, emi mbiarake, minyuni ikemeke ndibe mfep.

Edisana Luke ewet abana kiet ke otu akpa ukworu-iko Christ: “Ndien ke enye okiborede nwed, okut itie emi ewetde ete, Spirit Jehovah odor Mi ke idem, Koro Enye emeyet Mi aran onim ete, nkworu eti mbuk nno ndito-ubuene: Enye omodon Mi, ete, nkworu uworu ufin nno mbuot-ekon, nnyuni nkworu erikut usu nno mme nnan, Nnyuni nsana mmo emi efikde nnyak, Nnyuni nkworu isua mfonido Jehovah. Ndien Enye okibi nwed, ayak ono asanutom, onyuni osuhore etetie: kpukpru mmo emi edude ke synagogue enyuni ewuk enyin ese Enye. Enye otono ndidoho mmo, ete, Iko nwed Abasi emi omosu ke uton mbufo mfin emi” (Luke 4:17-21). Ata Isua Jubilee ama edi. Ini uworu-ufin emi ekenimde eno kpukpru ukpon emi idiok-nkpo obopde. Ekeme ndifiak mbok itie emi ekoduokde oto ke Adam ebe ke Jesus Christ. Ke akpaniko isua emi Abasi onyime emedi!

Usen Usio-Isop

Jesus ekenyene ndikpa ke ibuot idiok-nkpo ofuri owo man enam mmo eworu ufin. Akwa uboho mme uworu ufin idiok-nkpo, emi ewetde ke Iko Abasi okworu osu ke ini Akwa Ufak, emi ediwa Obon Jesus akadade itie.

Ekeda ufri obukpon enam ediono isua Jubilee. Ke ema ekenam kpukpru nkpo ema, Jesus etin abana Idem Esie, ete, “Enye eyesio mme angel Esie odon ye akwa uyom ukorowo, mmo eyenyuni etan ndimek ikot Esie ke ikpehe ofim mbina ebon oto kiet, otono ke utit heaven kiet tutu osim eken” (Matthew 24:31).

Ini oro akwa Sabbath nduok odudu eke Abasi eyedi, emi edide ediye Jubilee eke tosin isua emem. Andiwet Nwed Mme Hebrew etin ono nnyin ete, “Mmo nduok odudu Sabbath osuhu ono ikot Abasi,” onyuni oduri nnyin uton mbak owo nnyin kiet ekededi oku-nyene idiok esit unana edinim ke akpaniko emi edinamde nnyin idianade ikpon odu uwem Abasi.

MME MBUME

1. Nso ke isua Jubilee ada ono?
2. Nam añaña, ntak emi mbet Abasi edide ukem-ukem.
3. Nso idi ntak emi Jehovah okodionde mme mbuwum mmo ke oyoho isua itiokiet?
4. Nte ema ayak Ndit Israel eda ndito ete mmo ekama nte mbon ifin?
5. Edieke ekenyamde se owo ekenyenede, nso ini ke ekenyene ndifak enye?
6. Nte isen owo ema enyene unen ndifak se owo efen ekenyenede?
7. Enyana nnyin eto ke Anie?
8. Ini ewe edi isua mfon-ido eke Jehovah?
9. Nso ini ke afo ekere ete ke akwa isua Jubilee edida itie?